



**ÒDONANS DIJANS NIMEWO 29  
KONTE PALM BEACH COVID-19  
EKSTANSYON DIREKTIV SOU ZAFÈ METE PWOTEKSYON FIGI**

**KONSIDERAN**, COVID-19 la, yon maladi respiratwa yon virus lakòz ki gaye rapidman sòti nan yon moun ale nan yon lòt epi ki ka lakòz maladi grav oswa lanmò, reprezante yon menas klè ak aktyèl pou lavi, sante, byennèt ak sekirite moun nan Konte Palm Beach yo; epi

**KONSIDERAN**, nan dat 9 mas 2020, Gouvènè Ron DeSantis, te pibliye yon Dekrè Egzekitif 20-52 ki deklare yon eta dijans pou Eta Florid akòz COVID-19 la; epi

**KONSIDERAN**, nan dat 13 mas 2020, dapsre Seksyon 252.38(3)(a)(5), Lwa Florid yo, Konte Palm Beach te deklare yon Eta Dijans lokal akòz pandemi kowonaviris la ki te pwolonje depi lè a nan respè ak lwa ki aplikab yo; epi

**KONSIDERAN**, nan dat 24 mas 2020 Gouvènè Ron DeSantis, te pibliye tou Dekrè Egzekitif 20-83 ki mande Chirijyen Jeneral Eta a ak Ofisyè Sante Eta a pou pibliye yon avi sante publik pou moun ki aje yo ak moun ki gen kondisyon medikal grav kache ki mete yo nan pi gwo risk pou gen maladi grav nan COVID-19 la pou rete lakay yo. Kondisyon sa yo gen ladan, men pa limite ak, maladi kwonik nan poumon oswa opresyon modere rive nan grav; kondisyon kadyak grav; sitiayson iminodeprime, ki gen ladan sila yo ki nan tretman kansè; ak obezite grav; epi

**KONSIDERAN**, Gouvènè Ron DeSantis te pibliye yon seri Dekrè Egzekitif an repons ak pandemi COVID-19 la, ki gen ladan Dekrè Egzekitif 20-112, yon Faz 1: Plan Entèlijan, San Danje, Etap pa Etap pou Retablisman Florid la, kote Gouvènè a te re-ouvri kèk biznis, epi Dekrè Egzekitif 20-120 ki, pami lòt bagay, te sèvi pou ajoute Konte Palm Beach nan kad Faz 1 an, ak Dekrè Egzekitif 20-123 kote Gouvènè a te pwolonje ak mennen tout konte Florid yo nan Faz 1 Konplè a; epi

**KONSIDERAN**, Konte Palm Beach t ap fonksyone nan kad Faz 1 an depi 11 me 2020 rive 4 septanm 2020, an akò ak Dekrè Egzekitif 20-120, 20-123 ak Dekrè 20-139 ak nan dat 3 septanm 2020. Gouvènè Ron DeSantis te otorize Konte Palm Beach pou pase nan Faz 2 *Plan Entèlijan, San Danje, Etap pa Etap, pou Retablisman Florid*; epi

**KONSIDERAN**, Administratè Konte a te detèmine ke li te nesesè ak apwopriye pou pibliye yon òdonans dijans ki otorize re-ouvèti lòt biznis an akò ak direksyon Gouvènè

DeSantis ak Etap 1 *Plan Re-ouvèti Pwogresif Faz 2* a ak Òdonans Dijans 2020-024 la te pibliye pou rezon sa nan dat 4 septanm 2020; epi

**KONSIDERAN**, nan dat 25 septanm 2020, Gouvènè DeSantis te pibliye Dekrè Egzekitif 20-444 ki pase tout konte nan Florid yo nan Faz 3. Òdonans sa a otorize tout biznis yo pou ouvri avèk ti restriksyon; epi

**KONSIDERAN**, an repons ak Dekrè Egzekitif 20-244 Gouvènè a, Administratè Konte a nan dat 29 septanm 2020, te pibliye Òdonans Dijans 2020-028 ki anile tout òdonans dijans anvan yo sof pou Òdonans 2020-012 (pwoteksyon figi) ak 2020-017 (aplikasyon lalwa). Òdonans 2020-028 la te otorize tout biznis ak etablisman pou re-ouvri nan konfòmite ak òdonans sou pwoteksyon figi, distans sosyal ak pwotokòl netwayaj ki ranfòse, epi endike dapre Dekrè Egzekitif Gouvènè DeSantis la, rekouvreman amann ak sanksyon sou moun ki gen rapò ak COVID-19 sispann; epi

**KONSIDERAN**, Sant pou Kontwòl ak Prevansyon Maladi (CDC) te afime ke pwoteksyon figi an twal yo se zouti enpòtan nan batay kont COVID-19, site plis prèv ke pwoteksyon figi an twal ede anpeche moun ki gen COVID-19 gaye virus la bay lòt; epi

**KONSIDERAN**, CDC kontinye rekòmande itilizasyon pwoteksyon figi, pratik distans sosyal, ak plis netwayaj ak dezenfeksyon pou anpeche pwopagasyon COVID-19; epi

**KONSIDERAN**, Administratè Konte a te pibliye Òdonans Dijans 2020-012, **Direktiv Anplis sou Zafè Mete Pwoteksyon Figi**, nan dat 24 jen 2020, te mande pou yo mete pwoteksyon figi nan tout biznis, etablisman ak nan espas publik. Òdonans lan egzije tou pou etablisman vant an detay ak restoran yo pou mete afich ki gen enfòmasyon konsènan kondisyon sou pwòpte, distans sosyal, ak pwoteksyon figi. Òdonans sa a, jan li pwolonje, pral ekspire nan dat 22 oktòb nan 12:01 a.m., amwenske li te pwolonje plis; epi

**KONSIDERAN**, done ki pi resan sou pwopagasyon COVID-19 nan Konte Palm Beach ak atravè peyi a, Endikatè Reyaparisyon pou Re-ouvèti Pwogresif la, rekòmandasyon CDC yo sou mete pwoteksyon figi ak re-ouvèti tout Biznis, etablisman ak lekòl publik nan Konte Palm Beach dènyèman an, Administratè Konte a te detèmine li nan pi bon enterè Konte a pou pwoteje sante, sekirite, ak byennèt rezidan ak vizitè li yo nan moman sa a pou pwolonje Nimewo Òdonans Dijans 2020-012 la pou trant (30) jou anplis.

**KOUNYE A, PA KONSEKAN, NOU ÒDONE ISIT LA** dapre Chapit 9, Atik II, Seksyon 9-35 Kòd Konte Palm Beach lan, ansanm ak otorite yo ban mwen nan Deklarasyon Dijans Gouvènè DeSantis te pibliye nan Dekrè Egzekitif 20-52 pa Chapit 252 Lwa Florid yo, Konsèy Manm Komisyun Komite a ak Plan Jesyon Dijans Global Konte Palm Beach lan, ak jan lalwa mande sa, mwen òdone konsa:

1. **Konsideran yo.** Konsideran ki anvan yo enkòpore isit la kòm referans.

2. **Pwolongasyon.** Dekrè Egzekitif 2020-012 la pwolonje jiska 12:01 a.m. nan dat 21 novanm 2020.
3. **Konfli.** Nenpòt dispozisyon nan Òdonans sa a ki gen konfli avèk nenpòt dispozisyon lwa eta oswa federal oswa dispozisyon konstitisyonèl oswa konfli avèk oswa ki gen yon Dekrè Egzekitif Gouvènè oswa Prezidan Etazini ki aktyèl oswa ki pibliye apre ki ranplase yo, ap konsidere kòm pa aplikab epi konsidere kòm separe de Òdonans sa a  
avèk rès Òdonans lan ki rete entak ak anvigè. Nan mezi aplikasyon kèk oswa tout dispozisyon Òdonans sa a entèdi sou teritwa souvren yon tribi souvren oswa Endyen ke gouvenman federal la oswa eta a rekonèt, aplikasyon sa a ap eskli klèman nan Òdonans sa a. Dispozisyon Òdonans sa a dwe ranplase dispozisyon espesifik nenpòt Òdonans Dijans Konte a te pibliye ki kontré oswa ki gen konfli avèk Òdonans sa a.
4. **Dat li Anvigè.** Òdonans sa a dwe antre anvigè nan 12:01 a.m. nan dat 22 oktòb 2020.

**KONTE PALM BEACH**

Pa: [Siyati]  
Administratè Konte

21 okt. 2020  
Dat

**ATESTE  
GREFYE AK KONTWOLÈ**

Pa: \_\_\_\_\_

**APWOUVE SELON  
SIFIZANS JIRIDIK**

Pa: LDC pou Denise Marie Nieman  
Pwokirè Konte